

欽定石渠寶笈三編

欽定石渠寶笈三編

敬勝齋藏

高宗純皇帝御筆

碧琳館詩

壬申一軸

臨王羲之十帖

壬申一冊

畫蘭花

癸酉一軸

畫梅花

癸酉一軸

書雲松巢詩

一卷

以下未題年月

畫松 一軸

墨竹 一軸

臨趙孟頫六言詩帖 一軸

皇上御筆

幻花十二詠 一卷

戊午

立秋日遣悶詩 一卷

己未

書無逸 一冊

己未

書詩大雅文王大明緜旱麓四篇 四冊

庚申

敬勝齋詩

一軸
辛酉

列朝名人書畫

朱梁楊凝式書神仙起居法墨蹟 一卷

宋蘇軾種橘帖 一卷

宋蘇軾墨竹真蹟 一卷

宋趙孟堅畫墨蘭 一卷

明文徵明山水 一卷

本朝臣工書畫

王原祁仿董源疎林浮黛

一軸

王原祁仿米友仁雲山新霽

一軸

王原祁仿惠崇江南春色

一軸

王原祁仿趙孟頫桃源春畫

一軸

王原祁仿黃公望翠峯精舍

一軸

王原祁仿吳鎮溪山無盡

一軸

董邦達畫山水

一冊

劉墉書

御製本立而道生論 一冊

阮元書

高宗純皇帝御製御選唐宋文醇序 一冊

那彥成臨米芾書 一冊

羅福旼清明上河圖 一卷

高宗純皇帝御筆碧琳館詩 一軸

本幅金粟牋本。縱二尺九寸。橫一尺七寸三

分。

御筆行書。

疊石為假山。植檜稱溫樹。咫尺蘭房間。縹緲蓬壺趣。雕繪詎足尚。澹泊素所慕。可以貯琴書。遐心期古遇。戶外響輕風。琅玕奏韶濩。佳景足一窗。新名恰當可。奚事建章宮。門戶千萬夥。漏報出花鐘。

篆裊沈檀火。後樂惟同民。先憂益屢我。永言惇獨
哀。豈啻富人哿。殷懷周海寓。深居敢宴盤。寸陰
信不假。萬幾焉有閒。輕裘念鷄結。玉食軫糲餐。聖
狂別罔克。朝夕凜惕乾。肯堂勵方來。保此磐石安。
碧琳館三首。壬申初冬御筆。鈐寶三。乾隆御書。
鑑藏寶璽。寶笈三編。石渠寶笈所藏。

高宗純皇帝御臨王羲之十帖 一冊

本幅金粟牋本。摺裝八幅。皆縱五寸三分。橫九寸六分。

御筆草書。臨王羲之知念謝生時事。參朝前從洛。十

月七日。皇象阮生君晚月末十帖。帖文並識不錄

壬申冬月。臨右軍帖。御筆鈐寶二。摘藻為春。乾隆宸翰。

鑑藏寶璽寶笈三編。石渠寶笈所藏。

高宗純皇帝御筆蘭花一軸

本幅紙本縱八寸二分橫四寸九分

御筆墨蘭並識

癸酉新秋寫於香山來青軒鈴寶二幾暇怡情得
佳趣

軸內分鈴

寶璽

古稀天子。

太上皇帝。八徵耄念之寶。來青軒用筆在心。

鑑藏寶璽寶笈三編石渠寶笈所藏

高宗純皇帝御筆梅花一軸

本幅紙本。縱一尺一寸。橫四寸五分。

御筆墨梅並識。

癸酉冬夜。養心殿燭下。寫先春消息。鈐寶二。幾暇
怡情。乾隆宸翰。

軸內分鈐

寶璽

古希天子。

太上皇帝八徵耄念之寶。萬有同春。化工四氣為全施。

鑑藏寶璽寶笈三編。石渠寶笈所藏。

高宗純皇帝御書雲松巢詩 一卷

本幅宣德箋本。縱二寸三分。橫六寸六分。

御筆行書。並識。

匡廬多白雲。亦有松在山。高樓若槽巢。乃在
雲松間。茯苓生砌石。雨氣通林巒。遊子涉遠
道。夕鳥栖簷端。終朝謝圭組。歲晚適幽歡。卧
聆松風細。起看川雲還。

元人雲松巢句。御筆。鈐寶二。幾暇怡情得佳趣。

引首

御書賞心麈表鈐寶一乾隆宸翰

鑑藏寶璽寶笈三編石渠寶笈所藏

高宗純皇帝御筆蒼松 一軸

本幅紙本縱一尺橫四寸五分

御筆墨松並題

蒼翁鈐寶一叢雲

軸內分鈐

寶璽

古希天子

太上皇帝八徵耄念之寶研露烟雲舒卷

鑑藏寶璽寶笈三編石渠寶笈所藏

高宗純皇帝御筆墨竹 一軸

本幅紙本。縱八寸二分。橫四寸九分。

御筆墨竹。並題。

雲林二幹。每愛師其意。鈐寶一。中心止水。靜
軸內分鈐

寶璽

古希天子。

太上皇帝。八徵耄念之寶。垂露落紙雲烟。

鑑藏寶璽寶笈三編石渠寶笈所藏

高宗純皇帝御臨趙孟頫六言詩帖 一軸

本幅紙本。縱二尺五寸六分。橫九寸三分。

御筆行楷書。並識。

西湖清且漣漪。扁舟時蕩晴暉。處處青山獨
往。翩翩白鶴迎歸。昔年曾到孤山。蒼藤古木
高寒。想見先生風致。畫圖留與人看。

御臨趙孟頫書鈐寶二。與物皆春。乾隆宸翰
鑑藏寶璽寶笈三編。石渠寶笈所藏。

御筆幻花十二詠 一卷

本幅紙本。縱五寸七分。橫六尺二寸五分。

御筆楷書。

幻花十二詠。有序。

般若禪宗。性兼示相。閻扶

世界。幻孰非真。蓋元始以一故神。惟太極從兩
而化。現百昌之變變。偶寓虛空。總萬彙之生生。
要歸實際。於文則花從化假。前本無徵。以義則
幻託么旁。後纔見質。溯昔天扉翔體。八題自詠。

新裁寵邀

雲陛俯賡四韻都超原唱已聽鈞韶於

帝所觀茂以加乃稽繁薈於人間類猶可廣則有霏
來三界著體不沾落向五臺寄生無礙現喬卿
於軒蓋芝采重飛梁跼鄂於記書穀精六出祀
鄉柜黍苞苴胚未泮而藏潔映輓轡結撰受不
窮之養潑硯田而播馥既四照茶鋪助筆陣以
揚旌亦十華騰奮又若奩開容艷洩芳訊於春

宵。鐫淬蓮瑩。湛英姿於秋水。按圖欲索。圓窗試
訪綺叢。厥壤可遊。華胥續尋繡谷。竹鑪閒煮耐
重兒蠟。面呈紋翠。金徐熬。馬思哥酪。皮生纈。斯
皆化工之別格。非闕氣母之元胎。憑廿四番風
信齊吹。弗勞播護。縱十二回月華遞照。難向輪
收。為謝為開。同超象外。如泡如影。各住空中。顧
穆穆元機。何非大道。即詹詹物態。豈盡小言。別
有會心。乃長言之不足。豈伊玩物。尚結習之未

忘。要惟參大造之中。涉焉成趣。奚必謂六合之
內。論而不存也哉。天花。高僧宣祕密。上品普
門開。法雨霏三界。天花布五臺。彌空皆色相。落
地染塵埃。名託實無礙。因從幻想來。雲花。葩
瑤凝瓔珞。無根觸石生。林端拖片片。峯頂吐英
英。彩疊霞標燦。香飄月鏡瑩。繁滋培雨露。復旦
喜歌卿。雪花。六出花霏妙。同雲醞釀成。迷漫
飄素蕊。重疊撒瓊英。資始參爭茂。含章梅益榮。

銀葩敷上苑。萬樹報春生。冰花浪花拖萬疊。
冱凍結堅冰。簇簇成紋細。層層似纈凝。開箇瑤
萼。潔映鏡玉英。憑冷艷。消枝幹。春波綺縠騰。
井花井養義經述。花探碧甃中。一泓芬透月。百
丈影懸空。意蕊潤無盡。心苗汲不窮。駐顏飲平
旦。餐菊可同功。墨花墨花抽妙穎。培植硯田
寬。播馥霏烟霧。揚絃舞鳳鸞。艷生抒性海。香漾
疊文瀾。倘入江淹夢。輝聯五色翰。鏡花。心鏡

磨清潔。空花發寸莖。妍媸因逐想。真幻影隨形。
結處無根蒂。尋來泯色馨。大圓輝四照。涵育徧
羣靈。 矧花純鈎。誠利器。出匣現芙蓉。吐艷開
無葉。藏輝用及鋒。蓮光秋挂漢。寶氣夜從龍。枝
蔓隨風落。一揮邪靖蹤。 畫花畫自毫端寫。花
從意匠成。色香因想結。枝葉逐心生。烘染能增
豔。榮枯不繫情。春光滿寒碧。妙繪暢勾萌。 夢
花勤學精誠洽。林花入夢看。聞香疑化蝶。服媚

定徵蘭。相相如隨舞。垂垂若可餐。至人掃枝蔓。
一枕黑甜安。乳花佳茗摘牙細。酌泉竹鼎烹。
乳花浮綠片。嫩蕊茁金英。沫餗雲凝腳。甘芳松
飴聲。清香騰蠅眼。火候辨詳精。酥花乳酪相
煎妙。調和生熟酥。結英去塵滓。貫頂釀醍醐。生
纈虛凝實。拈花有若無。羣芳皆幻相。五色筆端
敷。嘉慶戊午冬至前三日。齋宮御筆。鈴寶二。
嘉慶。

後幅臣工恭和

恭和

御製幻花十二詠元韻。天花佛說空無界。奇芬

萬朵開。聚盈青石鉢。散徧藍珠臺。是月同聞
馥。非蓮不著埃。色天原自淨。如去亦如來。

雲花雲本無心出。還從噓氣生。七襄誰織錦。
三素自成英。根貫山川出。葩開日月瑩。

重華方振旅。喜起願賡卿。雪花剪試龍公手。雕

應玉女成。天培萬姓粒。地秀兩歧英。待臘真
無價。先春久放榮。離暄看大化。復見又馮生。
冰花百川方實腹。四照映層冰。魚負青萍
合。鮫噴素蕊凝。風輪泡有豔。犀燭影無憑。欲
拂珊瑚樹。紅暈萬丈騰。臣朱珪。鈐印二臣珪。
井花五八飛泉仰。攢葩玉甃中。曉風文乍
起。旦氣色原空。句妙定猶落。經詮養不窮。桐
君成錄後。白傳得元功。墨花何處衆香國。

帝鴻墨海寬。杼文綻跼蹐。草詔印龍鸞。烟結松為
質。芳流水有瀾。萬花飛舞際。春氣集柔翰。
鏡花本借菱為樣。生枯在一筵。水中真有月。
影外總無形。入匣苞初斂。開奩氣不馨。何煩
問風信。二十四番靈。劍花太阿秋水似。寒
影溢芙蓉。質本茨山鐵。工為桃氏鋒。休疑光
墮竹。漫詡化游龍。

慧劍心花發。莊生說有蹤。臣彭元瑞。鈐印二。臣瑞。

夢花藝圃耘情久。分葩夢境看。迷離芳簇
錦。髣髴氣吹蘭。欲倩江毫寫。應供莊蝶餐。生
松占共協。喜說兆平安。畫花忽見韶光麗。
非由翦彩成。翩反疑四照。暈纈脫三生。巧著
烘雲筆。微分浣露情。化工傳意蕊。妙手寫心
萌。乳花湯神傳逸事。乳面候煎烹。片月浮
銀瓣。團雲瀉綠英。滴來酥入樣。淪處雪霏聲。
色白休論譜。

三清品最精。酥花性根參潔白。細續驗煎酥。
五葉初凝面。三乘妙喻酬。不從優鉢現。曾著
雨花無。

天藻金壺灑。齊榮萬彙敷。臣趙秉冲。鈐印二臣趙
秉冲。敬事。

引首

御書。性海華敷。鈐寶一。嘉慶御筆。

鑑藏寶璽寶笈三編。石渠寶笈所藏三友軒。

御筆立秋日遣悶詩一卷

本幅紙本縱六寸八分橫三尺三寸一分

御筆楷書

皇考棄兒去。夏徂秋又來。仰

天真可痛。臨御愧無才。蟻集荒山衆。鴻栖中澤哀。良

民染鋒鏑。沃壤盡蒿萊。雖幸燕齊稔。難堪川陝

災。王師漸疲敝。羽檄漫交催。予罪將誰諉。

吳東願速回。敬祈消劫數。即日淨氛埃。己未立秋日

咸福宮御筆。鈴寶四。嘉慶。寫心。洗盡塵氛爽氣
來。

臣工恭和

聖孝因時篤。桐風警露來。黍禾

勤問歲。鼙鼓亟思才。人祝

軒勲集。

天聞

舜慕哀。晚涼祛肝暑。旬雨熟磽萊。孚已占征吉。先

庚澹青災無聲通

玉緯。漢志捷桴催。

勝算中權固。高秋爽氣回。靈臺看偃伯。

心鏡淨纖埃。臣朱珪恭和。鈐印二。臣珪。秋生當

七夕。金氣送涼來。報稔紆

宸眷。籌邊重將才。邪氛縱滌盪。

主意尚矜哀。蜀棧驅狐鼠。秦關剋草萊。消兵符

昊象。安堵定民災。軍捷

靈筵告。鏡歌驛路催。馬嘶邊月皎。人帶隴雲回。洗甲
從今日。銀河淨少埃。巨那彥成恭和。鈴印二
臣成。秋宜張九伐。時雨六軍來。氣肅循天
道。謀成

馭將才。勢原漂蟻易。

慈尚翦鯢哀。既戒詩平漢。其蘇誥作萊。

訓兵行茂賞。

惠衆振偏災。闕虎遼師整。征鴻晉乘催。即看雄旅

集。旋奏凱歌回。葉脫消戎莽。天河淨洗埃。臣
彭元瑞恭和。鈐印二。臣瑞。天上星初度。秋
隨鵲影來。順時宜整武。緝暴在論才。

盼奏鷹揚績。

屢思雁集哀。連畦豐黍稌。

別殿靜蓬萊。

聖世憂先樂。

皇心戒勝災。

宵章難未報。

盱食漏頻催。共仰

幾康飭。能令氣數回。

紹庭瞻

陟降。早鑒靖氛埃。臣周興岱恭和鈴印二。臣岱微

涼迎

殿閣秋向

鼎湖來。曉露深

天幕西風感

睿才。禮脩軍帥賞。

詩動侍臣哀。

籌筆思鼙鼓。銷鋒靜草萊。仰惟

純孝志。決奠下方災。諸將

恩皆重。新兵氣更催。共當迎爽後。合力挽河回。一

洗羣氛盡。

龍輶不動埃。臣阮元恭和。鈐印二臣元。

至孝徵純慕新秋觸緒來

繼承孚一德。考定勗羣才。貌虎威先警。蛩虛蠹可哀。要令區玉石。漸許復田萊。汗渙同霑澤。

鋒銷速澹災。霜稜金氣肅。露布簡書催。北叶豐年屢。風占凱唱回。清光騰素顥。六合永無埃。臣戴衢亨恭和鈴印二。臣亨。井梧飄一葉。顥氣已潛來。濡露縈

宸抱。憶情紀

睿才。高昊雲寫影。遠瀨雁流哀。令肅收潢潦。

威申刈草萊。甫田占大熟。寰宇泯偏災。律應商飈轉。金行爽籟催。開羣資隼擊。剗藥驗霜回。極望寥天淨。空明絕點埃。臣趙秉冲恭和鈐印

二。臣冲。

引首

繼志觀成款。臣董誥敬題鈐印二。臣誥敬書

鑑藏寶璽寶笈三編。石渠寶笈所藏。

御書無逸 一冊

本幅紙本。摺裝六幅。皆縱四寸三分。橫五寸。

御筆楷書無逸。經文不錄並識。

己未秋分日。御筆鈐寶三。務時敏。典學勤政。日
監在茲。

鑑藏寶璽寶笈三編。石渠寶笈所藏。存誠主敬。敏
福宜民。

御書詩大雅文王大明繇旱麓四篇

四冊

本幅金粟牋本。摺裝四冊。每冊四幅。皆縱二寸九分。橫六寸六分。

御筆楷書。第一冊。文王七章。章八句。第二冊。大明

八章。

四章章六句。四章章八句。

第三冊。繇九章。章六句。第

四冊。旱麓六章。章四句。

經文並識。不錄。

嘉慶庚申長至齋宮御筆。鈐寶二。會心不遠。德充符。

朱珪恭跋

臣按詩序。文王受命作周也。大明。文王有明德。故天復命武王也。繇。文王之興。本由太王也。旱麓。受祖也。周之先祖。世修后稷公劉之業。太王王季申以百福千祿焉。左傳歌。王之三。即前三篇。皆周公所作。以戒成王也。周公善言文王之德。尊之曰在帝左右。本之曰緝熙敬止。惕之曰天命靡常。無念爾祖。曰自

求多福。危言之曰。命之不易。無過爾躬。曰。儀
刑文王。萬邦作孚。反復申明。沁心泚目。千載
下讀之。猶雪涕而不能禁也。若大明之敷陳
功烈。繇之追溯艱難。早麓之推本申福。保世
德而篤天祿。如此其不易也。我

朝

聖

聖相傳。重熙累洽。發源於長白。積厚而流光。我

皇上緝熙繼述純亦不已觀

光揚

烈超越有周

御筆書此如見

天心矣。臣朱珪恭跋鈐印二。臣珪。

鑑藏寶璽寶笈三編。石渠寶笈所藏嘉慶御筆之

寶。

重三友軒。

重三。

御筆敬勝齋詩 一軸

本幅紙本。縱二尺四寸八分。橫一尺二寸一分。

御筆楷書。

主敬義包廣。為君益討尋。民若大可畏。

天眷凜難堪。常繹丹書訓。永存赤子心。終身慕

考德。繼述寸誠欽。辛酉仲春月中澣。御題。鈴寶二嘉

慶御筆。傳心基命。

鑑藏寶璽寶笈三編石渠寶笈所藏

朱梁楊凝式書神仙起居法墨蹟一卷

〔本幅〕紙本縱八寸三分橫六寸三分草書神

仙起居法行住坐卧處手摩脇與肚心此字刺蝕

腹通快時兩手腸下踞踞之徹膀腰背拳摩

腎部才覺力倦衆即使家人助行之不厭頻

晝夜無窮數歲久積功成漸入神仙路乾祐

元年冬殘臘暮華陽此字殘缺焦上人尊師傳楊

凝式下作花押朱無印識

後幅

右楊凝式書神仙起居法八行。臣米友仁鑒
定真蹟恭跋。無印。釋文一篇。見前。不著書

人姓名。潤城懶逸張孝思則之珍藏。戊戌

仲春識。鈐印三。培風閣張孝思嬾逸。楊少

師書。山谷比之散僧入聖。其微妙可知矣。殆

與李太白識郭子儀同道至元戊子立春日。

左山商挺題。無印。

鑑藏寶璽

五璽

寶笈三編

收傳印記堂

印半放言

印半真賞

又同文作二小

印宮保世家

一重退密

一重張則之

半印一又桃里

項墨林祕笈之印桃花源裏人家樵李項氏

士家寶玩

一重

松雪齋

張孝思

一重

口口書府

二右

字模糊不

虛朗齋博雅堂瑤貺印子孫永保

一重

淨因菴子孫世昌子京珍祕項墨林鑑賞

法書名畫項墨林鑑賞章墨林祕玩

一重希世

藏。顧從德。趙香巖居士。長安。印。圖。王。永。寧。印。內。

府書印。子京所藏。一。重。杜。綰。章。印。又。半。祁。國。之。裔。

項元汴印。陽。文。又。陰。文。二。子京父印。一。重。墨。林。口。口。二。左。

字。不。可。辨。墨林山人。內殿祕書之印。墨林父。一。重。紹。

興。又。同。文。一。杜氏。半。印。鴛鴦湖長。一。重。墨。林。項。季。子。章。

西秦張澂之印。神品。又。一。印。字。不。全。神悅生。厲齋清

玩。真賞圖書。淨因菴主。士奇之印。墨林主人。

長。項子京家珍藏。一。重。西。疇。耕。耦。二。重。趙。孟。頌。印。

陳定平生真賞。野處項子京氏寄傲印。半太原。

項蘆永寧。重之傳。半煮茶亭長。元汴之印。墨

林硯癖。神游心賞。德有鄰堂。張孝思賞鑒印。

則之父。西秦張氏家藏之寶。趙子印氏璽。雞形

圓印。永興軍節度使之印。會心處。西秦張激度

藏寶玩。項元汴氏審定真迹。陳淳私印。嵩筮

謹案張丑清河書畫舫曾列是書所載鑑賞名印。今皆有之。而是卷增多趙孟頫楊士奇項元汴諸印。幾至百數。其人皆在丑前。何以當時竟未之見。據丑言。鐫文五行。為宋高宗

書今此五行引首鈴退密一印。第五行末鈴子孫永保一印。皆係項氏印記。語亦不合。又丑言後有留夢炎跋。及文徵明考證。今卷並佚。則未知二者誰是真本。惜不得張本一合勘之。卞氏書畫彙考所載與書畫舫正同。又是卷鑒藏印記。有永興軍節度使一印。據書畫舫顏魯公自書告身條下云。是韓侂胄印。致宋史地理志。京兆郡永興軍節度。大觀元二年。陞大都督府。舊領永興軍。路安撫使。宣和二年。詔永興軍守臣等。銜不用軍額。稱京兆府。是永興軍已廢於徽宗時矣。侂胄曾任保寧軍節度使。亦非永興。則此印係何人鈴。蓋不可考矣。楊凝式。字景度。華陰人。唐昭宗時登進士第。歷仕梁唐梁晉漢周。官至太子太保。以心疾致仕。人謂之楊風子。見宋帝書史宣和書畫譜。王氏法書苑諸書。其自題或稱

姓名。或稱癸巳人。或稱楊虛白。或稱希維居士。或稱閬西老農。後人皆稱以楊少師云。張孝思。字則之。號懶逸。丹陽人。商挺字孟卿。為曹州濟陰人。與元好問遊。攷見續編。

宋蘇軾種橘帖一卷

本幅紙本。縱九寸一分。橫一尺五寸七分行。
書。吾來陽羨。船入荆溪。意思豁然。如愜平生
之欲。逝將歸老。殆是前緣。王逸少云。我卒當
以樂死。殆非虛言。吾性好種植。能手自接菓
木。尤好栽橘。陽羨在洞庭上。柑橘栽至易得。
當買一小園。種柑橘三百本。屈原作橘頌。吾
園若成。當作一亭。名之曰楚頌。元豐七年十

月二日書鈴印。東坡居士老泉山人。

後幅前人題跋

坡老墨蹟。三尺童子亦知敬之重之。不待贅語。惟其處羈困流落之餘。而泰然不以窮達得喪累其心。此坡老之所以深可敬重者。余故表而出之。壬戌季夏中澣。清源曾從龍君錫謹書。無印。東坡公欲買園種橘於荆溪之上。然志竟不遂。豈造物者尚有所靳耶。而

楚頌一帖。傳之後世為不朽。則又非造物者所能靳也。孟頫題鈴印二。趙子印氏松雪齋印。^半人生到處知何似。却似飛鴻踏雪泥。泥上偶然留指爪。鴻飛那復計東西。此蘇長公詩也。弼嘗謂非東西南北人。未必深領其意。而此帖亦一指爪也。九思謂臨文更惘然。信哉。弼識。鈴印一。汝弼。長公此書古淡適勁。雖知好公書者。未必能識其妙也。予嘗見別



本及士大夫家摸

應作模

入石者要當以此本

為真正。又紙尾有東坡居士老泉山人印章。蓋公自黃還朝既老而思其邱墓去作此書不遠。兩別號相繼在元豐年間也。當時如宗室令時嘗從公潁州亦札記及此。而南渡後雖馬端臨之博猶以老泉為明允號。至本朝楊用脩太史其該洽為一代所推亦仍其誤。故并識之。使覽者有考焉。萬曆戊戌歲穀旦。

為太倉曹周翰題。後學婁孟堅。鈐印一。婁子
柔。癸卯十月。過婁江。觀東坡種橘帖真跡。
董其昌。鈐印二。董其昌印。太史氏。此帖已
摹勒入石。舊常臨數過。頗為優孟。今乃得拜
觀真蹟。沈著奇快。始知衣冠之於骨相。了不
相關也。崇禎甲戌。後學歸昌世書。鈐印二。歸
昌世印。文休。

鑑藏寶璽

五璽全

寶笈三編

收傳印記湘雲閣藏書畫印記曾經道目看
金庭翁子元聞珍玩

謹案曾從龍字君錫晉江人公亮四世從孫
慶元五年進士第一累官知樞密院事兼參
知此事卒贈少師宋史有傳張弼字汝弼華
亭人咸化丙戌進士歷知南安府晚自號東
海翁見松江志妻堅字子柔嘉定人貢生歸
昌世字文休崑山人太僕丞有光孫崇禎末
以待詔徵不應並見明詩綜小傳

宋蘇軾墨竹真蹟 一卷

本幅紙本。縱八寸六分。橫三尺五寸五分。墨畫竹一幹一枝款。元祐二年八月廿三日。鳳翔墨公以李廷珪墨見贈。作此軾。鈐印一東坡居士。

後幅題跋

釋仲仁書蘇軾墨君堂記。凡人相與號呼者。貴之則曰公。賢之則曰君。自其下則爾汝之。

雖公卿之貴天下貌畏而心不服則進而君
公退而爾汝者多矣獨王子猷謂竹君天下
從而君之無異辭今與可又能以墨象君之
形容作堂以居君而屬余為文以頌君德則
與可之於君信厚矣與可之為人也端靜而
文明哲而忠士之脩潔博習朝夕磨治洗濯
以求交於與可者非一人也而獨厚君如此
君又疎簡抗勁無聲色臭味可以娛悅人之

耳目鼻口。則與可之厚君也。其必有以賢君
矣。世之能寒燠人者。其氣焰亦未至若霜雪
風雨之切於肌膚也。而士鮮不以為欣戚喪
其所守。自植物而言之。四時之變亦大矣。而
君獨不顧。雖微與可。天下其孰不賢之。然與
可獨能得君之深。而知君之所以賢。雍容談
笑。揮灑奮迅。而盡君之德。稚壯枯老之容。披
折偃仰之勢。風雷凌厲以觀其操。崖石犖确

以致其節。得志遂茂而不驕。不得志瘁瘳而
不屈。羣居不倚。獨立不懼。與可之於君。可謂
得其情而盡其性矣。余雖不足以知君。願從
與可求君之昆弟子孫族屬朋友之象而藏
於吾室。以為君之別館云。紹聖丁丑歲霜降
前二日。石門釋仲仁畫鈴印二。仲仁梅花念
我。一片湘雲濕未乾。春風吹下玉琅玕。強
扶殘醉揮吟筆。簾帳蕭蕭翠雨寒。金城郭界

天錫題鈴印三郭界快雪齋金城郭氏赤
壁歸來燕寢香夢騎元鶴過三湘玉簫喚醒
月初墮雲影滿簾秋氣涼建安樊阜鈴印一
半窗主人東坡先生以文章氣節自重書
畫特其緒餘而興之所及揮洒自如無不神
妙蓋天縱聰明故一經染翰輒前無古人後
無來者矣此墨竹卷乃贈鳳翔曇公者真所
謂習有成竹故筆勢飛舞其莊而不佻則類

公之為人爾。虞伯生以下各題。第傳其風致之妙。至其筆墨之外。則非後之人所能表而出之也。正統十三年秋七月之望日。定山居士莊杲敬題。無印。幅尾小字。永樂十九年三月。表背幼匠汪勝保。

鑑藏寶璽

全五璽 寶笈三編

收傳印記。翰林之印。神品。天籟閣。印。寄傲。印。

鑑賞章。印。致和齋之珍。印。半金匱山房珍藏。一。重。

金城郭氏子京一重項元汴印二重墨林山人一重

子京甫印一重子孫一重喬氏晉成祕書監丞員

嶠真逸北燕口口鴻緒堂藏寄傲一重項氏墨

林鑑賞章一重墨林山人一重退密子孫世

昌墨林甫若水軒天籟閣又印一半印一不

可辨

謹案釋仲仁會稽人住衡州華光山與黃庭堅友政見續編樊阜字時登縉雲人成化戊子舉人官延平儒學訓導莊昶字孔陽江浦人成化丙戌進士由檢討以諫謫桂州判官

終南京吏部郎中天啟初追謚文節並見明
詩綜小傳杲跋中有虞伯生以下各題云云
今祇有郭昇樊阜二跋是已為後人割去矣

宋趙孟堅畫墨蘭 一卷

本幅紙本。二幅。第一幅縱八寸八分橫一尺九寸四分。墨畫蕙蘭一叢。款彞齋。鈐印二子。固。彞齋。第二幅縱八寸五分橫二尺七寸八分。墨畫蘭兩叢。襯以卷石細草。款春濃露重。地暖華生。山深日長。人靜香透。此知蘭之趣者。子固云鈐印一彞齋。

後幅題跋

雲東逸史拜觀鈴印一公綬。寫蘭以左筆
為難。此圖筆筆皆向左。香風一夕從西來。數
片湘雲忽吹墮。天真滿前呈爛漫。晴烟低葉
餘婀娜。紫莖縹緲散曾華。翠帶交加藏側朵。
初觀駭目若零亂。諦視凝神還帖妥。想翁落
筆風雨疾。不待解衣盤薄羸。但覺書紙如書
空。惟知有蘭那有我。胸中所在皆衆芳。變化
縱橫無不可。他人一二已云多。翁今能事一

何夥。嗟余作畫雖不能。知蘭之趣亦頗頗。再
觀品題驚絕倒。照眼驪珠十六顆。清氣襲人
肌骨寒。手之不置行與坐。陶君珍重祕藏之。
玉軸牙籤善封裹。吳郡郭麟孫謹書。鈐印一
手遊。泛蘭轉蕙光風春。靈均妙為花寫神。
胸中九畹無纖塵。摹寫形容方逼真。癸字脫齋
作畫詩興寓。寄齋作詩知畫趣。意匠經營託
毫素。心手縱橫生態度。紫莖綠葉墨淡濃。湘

魄澧魂香融融。後來三絕松雪翁。心讓此花

能品中。長沙湯彌昌。鈴印一宗伯之章。原注趙子

固號彞齋郭祥卿號寄齋蘭在謝百草千花又夜新。此

君林下始知春。雖無令色如自有幽香似德

人。按此首多脫誤字手培蘭蕙兩三栽。日暖風和次

第開。坐久不知香在室。推窗時有蝶飛來。奕

奕幽香傍砌栽。紫莖綠葉向春開。晚來庭院

微風發。吹送清香度竹來。楚畹幽香雅不羣。

薄於顏色厚於芬。清風空谷佳人遠。一種

一脫

字。盦伴曉雲。辛巳秋九月。題於石秀齋中。莫

是龍。鈴印二。莫是龍。廷韓。風葉不自持。幽

花粲可數。獨醒豈無人。遺恨湘江雨。彝齋趙

公墨蘭。皆寫其天真。無一毫俗筆。卷中品題

皆一時諸老。彥良其寶玩之。墨林山人項元

汴識。鈴印三。墨林。子京甫印。另行小字。字字

二十號。丁丑夏六月。墨林山人家藏真賞。原

價銀一百二十兩。鈐印三。子京所藏墨林。

雪消雲靜墨池方。愛殺窗前葉葉長。祇為朝
東春得早。風吹一夜紫苞香。無數花開一兩
枝。更裁百畝亦相宜。江南三月春如酒。惱亂
蜂兒總不知。康熙癸亥仲春。鎮州梁清標。鈐
印二。清標蕉林。

箭隔水舊題籤

趙彞齋墨蘭真蹟款。墨林題籤。

後隔水

順治十三年。歲在丙申正月。鹿菴居士重裝。

鈴印一。馮銓私印。

鑑藏寶璽

五璽

寶笈三編。

收傳印記。蒼巖子梁清標玉立氏印章。重焦

林鑑定。重莫氏家藏。退密。重海内存知己天

涯若比鄰。古之狂也。楊士奇印。重莫。重貞一

道人。重卜居名山珍秘。重墨林項季子章。重

項元汴印四重莫是龍廷韓項子京家珍藏一重

子京所藏一重子京甫印二重子孫保之有竹人

家墨林嬾叟二重彤亭口口真賞安氏儀周書

畫之章一重墨林祕玩一重寄緣草堂靜軒鳴玉

館量入為出墨林平生真賞墨林甫集虛堂

印信又半印燕居半古軒藏宗源焦林收藏子

孫永保古柱下史宮保世家儀周鑑賞

註案是卷見卞永譽式古堂書畫彙考郭麟
孫湯彌昌所題兩詩皆有之而項元汴風葉

不自持一首。彙考作朱梓榮題。梁清標雪消
雲靜墨池方二首。彙考作陳方題。又彙考載
有李皓錢良右。卷一。鶚及僧善住諸人題跋。
是卷皆無之。卷中莫是龍所題數詩。彙考亦
不載。似像後人模仿。而參錯為之者。而墨蘭
而叢筆意疎勁。固自可存。趙孟堅字子固號
葵齋。宋太祖十一世孫。仕至郡守。見嘉興志
郭麟孫。字祥卿。吳郡人。作吏錢塘。再調江東
見元詩。姓名攷。湯彌昌。字師言。長洲人。歷官
瑞安州判官。見蘇州府志。雲東逸史。姚公綬
自號。

明文徵明山水一卷

本幅紙本。縱五寸四分。橫三尺九寸一分。水墨畫溪林煙樵款。己未九月既望。衡山文壁畫。鈐印三。徵明文壁徵明。

後幅題跋

眺遠屢登頓。林梢拂雙鳬。江長要天接。雲嶺欲風扶。落日在溪山。秀色浮眉須。臺高興亦超。空歌徹清都。沈周鈐印二。啟南石田徵。

明於舉業之暇而能好行繪事其託興亦脩
遠矣。因覽此卷歎美久之。匏翁鈐印一原博。

江上羣山翠作堆。人家門檻對江開。小樓
應有憑闌者。天遠歸帆似不來。楊循吉鈐印
一循吉。登高創危構。林表見川流。微雨颯
已至。蕭條川氣秋。下尋密竹盡。忽曠沙際遊。
紆曲水分野。綿延稼盈疇。寒花明廢墟。樵牧
笑榛邱。雲水成陰澹。竹樹更清幽。適目戀佳

賞。復茲永日留。正德庚午二月廿又四日。偶
閱文徵仲小卷。清逸有致。襍之李營邱洪谷
子之中。不能季孟也。因書韋應物詩以歸之。
太原祝允明。鈐印一。祝希喆。自得名川勝。
沿洄殊未窮。秋高千嶺出。地濶五湖空。古堞
雲橫雉。縣梁影卧虹。樓船催畫鼓。野寺落丹
楓。綺席波光蕩。紗窗霧氣通。山人何惜晚。歸
路使樵風。雅宜子王寵。鈐印二。王寵私印。履

吉之印

文徵仲小卷清逸絕塵余於數年

曾一見之因書其後每憶是卷輒復思之今
復見於公容坐上更識歲月時已卯長至後
之三日也枝山鈐印一枝山尺牘俄驚三
十年林嵐蒼翠故依然曉窗援筆重題處慚
愧聰明不及前嘉靖辛卯春王正月既望徵
明重題鈐印二徵明徵仲余幼入太史門
牆才德傾動海外書畫冠絕古今日無虛刻

筆無草率。此卷精妙入神。生平得意作也。珍之。珍之。門下士陳道復。鈐印二。白陽山人。復父氏。丈太史此卷。筆法蒼潤。布景高曠。深得董北苑梅道人神髓。生平最經意筆也。嘉靖戊子秋九月三日。觀於袁邦正齋頭。因題。後學彭年。鈐印二。孔嘉。沛彭年印。溪流泯泯。帶遙汀。樹色沈沈。綠未明。大似江南新雨歇。碧烟浮動晚烟生。穀祥題。鈐印一。祿之。

先君留神翰墨。日不暇膳。追摹古名筆。必得其神。方遂意。此卷少年所作。精力有餘。落筆不凡。今幸觀於虎邱梅花樓。不勝風木之感。長男彭百拜謹識。鈐印二。文壽承氏。三橋居士。文內翰畫法近古。兼集董巨元李諸家之大成。人爭寶之也。固宜。余訪來邦。正於卧雪齋中。展閱斯卷。知為早歲之筆。枝山翁稱其置之李營邱洪谷子之中。不能季孟也。真

知言哉。嘉靖己巳仲春十又八日。五湖陸師
道題。鈴印二子傳。師道。萬木陰陰石徑斜。
亂山深處有人家。春風滿耳多啼鳥。澗水流
來半落花。許初。鈴印一。高陽。余觀文內翰
翰墨丹青。並得其品。此卷早年所作。真與拱
璧並寶也。張鳳翼。鈴印二。秉耕禮義。張伯起
氏。

鑑藏寶璽

五璽全

寶笈三編

收傳印記魯齋姚士堅心賞

謹案許元字元復號南陽官南太僕寺主簿
考見續編跋中所云袁邦正乃袁表字也

王原祁做董源疎林浮黛一軸

本幅紙本。縱一尺。橫七寸七分。水墨畫烟嵐遠近。村墅高低。自識北苑畫法。為諸家領袖。茲倣其意。鈐印一。西廬後人。

高宗純皇帝御題行書

幾株古樹幾重山。北苑精神想像間。憶得香光圖
婉孌。草堂曾是對高閒。丙戌清和御題。鈐寶二
比德朗潤。

玉池

御書明秀鈐寶三。乾隆宸翰三友軒八徵耄念之寶。

軸內分鈐

寶璽

古布天子天然同德玉局正見乾隆御覽之寶。

太上皇帝幾暇鑒賞之璽。乾清宮鑑藏寶。

鑑藏寶璽

五璽

寶笈三編

收傳印記衣園藏真

王原祁倣米友仁雲山新霽 一軸

本幅紙本。縱一尺橫七寸七分。水墨畫。疊嶂雲歸。密林雨潤。自識宿雨初收。晚煙欲泮。小朱雲山。鈐印一。王茂京。

高宗純皇帝御題行書

宿雨初收。曉烟泮。石渠真蹟。此無殊。欲知兩米微分處。可指山非鷲突圖。丙戌清和御題。鈐寶二。會心不遠。德充符。

玉池

御書靈妙鈐寶三。乾隆宸翰三友軒。八徵耄念之寶。

軸內分鈐

寶璽

古希天子。天然同德。玉局正見。乾隆御覽之寶。
太上皇帝。幾暇鑒賞之璽。乾清宮鑑藏寶。

鑑藏寶璽

五璽

寶笈三編

收傳印記教忠堂藏

王原祁倣惠崇江南春色 一軸

本幅紙本。縱一尺。橫七寸七分。設色畫山水。涵清林花。摘絢日識。倣惠崇江南春。鈐印一麓臺。

高宗純皇帝御題行書。

輕雲欲作雨。絲絲綠柳紅。桃暎水湄。恰是去年春。二月。行春橋畔。問春時。丙戌清和御題。鈐寶二。會心不遠。德充符。

玉池

御書佳麗。鈐寶三。乾隆宸翰。三友軒。八徵耄念之寶。

軸內分鈐

寶璽

古希天子。天然同德。玉局正見。乾隆御覽之寶。

太上皇帝。幾暇鑒賞之璽。御書房鑑藏寶。

鑑藏寶璽

五璽

寶笈三編

收傳印記衣園

王原祁倣趙孟頫桃源春畫

一軸

本幅紙本。縱一尺橫七寸七分。設色畫。列岫翠陰。沿溪紅萼。自識桃源春畫。倣趙承旨鈴印一。王原祁。

高宗純皇帝御題行書

臨溪野釣背山堂。洞裏乾坤世外鄉。常看桃花紅滿樹。不教飛去引漁郎。丙戌清和御題。鈐寶二。比德朗潤。

玉池

御書。蒼潤。鈐寶三。乾隆宸翰。三友軒。八徵耄念之寶。

軸內分鈐

寶璽

古希天子。天然同德。玉局正見。乾隆御覽之寶。

太上皇帝。幾暇鑒賞之璽。養心殿鑑藏寶。

鑑藏寶璽

五璽

寶笈三編

收傳印記衣園藏真。

王原祁倣黃公望翠峯精舍一軸

本幅紙本。縱一尺。橫七寸七分。設色畫。碧嶂幽居。蒼松高蔭。自識。旭日照翠峯。喬松俯精舍。倣黃大癡。鈐印三。蒼潤。王原祁印。麓臺。

高宗純皇帝御題行書

精舍高低翠峯據。老松虬張石虎踞。雖稱倣古各體俱。却是自家得力處。丙戌清和御題。鈐寶二。比德。朗潤。

玉池

御書幽深。鈐寶三。乾隆宸翰。三友軒。八徵耄念之寶。

軸內分鈐

寶璽

古希天子。天然同德。玉局正見。乾隆御覽之寶。
太上皇帝。幾暇鑒賞之璽。乾清宮鑑藏寶。

鑑藏寶璽

五璽

寶笈三編

收傳印記衣園

王原祁倣吳鎮溪山無盡 一軸

本幅紙本。縱一尺。橫七寸七分。水墨畫。林巒
疊聳。溪水爭流。自識梅道人溪山無盡意。鈐
印二。王原祁印。麓臺。

高宗純皇帝御題行書

祇在精神不在工。寒泉曲折豎峯崇。伊人墨妙曾
無盡。意與溪山正復同。丙戌清和御題。鈐寶一
德充符。

玉池

御書。渾厚。鈐寶三。乾隆宸翰。三友軒。八徵耄念之寶。

軸內分鈐

寶璽

古希天子。天然同德。玉局正見。乾隆御覽之寶。
太上皇帝。幾暇鑒賞之璽。乾清宮鑑藏寶。

鑑藏寶璽

五璽全

寶笈三編

收傳印記衣園珍藏

董邦達畫山水 一冊

本幅紙本。摺裝八幅。皆縱四寸一分。橫五寸三分。水墨畫。一江鄉豐樂。二泉石清幽。三巖壑探奇。四林泉清話。五竹溪小艇。六松榭寒濤。七傑閣晴瀾。八寒林雪嶺。款。臣董邦達敬寫。鈐印二。臣達。

鑑藏寶璽

五璽全

寶笈三編

劉墉書

御製本立而道生論 一冊

本幅粉牋本。摺裝三幅。皆縱三寸一分。橫八寸八分。楷書。

御製本立而道生論

萬事萬物。莫不有本。本猶根也。天下國家。共由乎道。道猶路也。本不固而道不生。猶根不深而葉不茂矣。故萬物本乎天。發生長養。乾元資始。

坤元資生。順其太極太和之運。而流行於宇宙之間者。由本立而自然條暢咸宜也。人道本乎性。立愛自親。始立敬自長。始達之君臣父子夫婦昆弟朋友之間。而培養於喜怒哀樂未發之際。所謂立天下之大本。而行天下之達道也。天道本於乾元。人道本於孝弟。其理一也。有子曰。本立而道生。又曰。孝弟也者。其為仁之本。與言有其本。則末不求而自致。如影之隨形。響之應。

聲也。人不立本。則為學者近於虛名而不務實學。為治者驚於事功而不敦倫紀。本實先撥。枝葉焉能無害哉。故五嶽莫不本於崑崙。四瀆莫不本於天稷。同一軌也。夫仁性為達道之本。而孝弟又為行仁之本。如唐堯明峻德而親九族。則平章百姓。協和萬邦。皆舉之矣。虞舜得親順親。其至誠發乎父母兄弟。推而廣之以之治天下。闢四門。明四目。達四聰。皆本於孝弟者也。故

曰孝弟者人之本也。本固而天下之道自生也。

臣劉墉敬書鈐印二。臣墉。

鑑藏寶璽

五璽

寶笈三編

阮元書

高宗純皇帝御製御選唐宋文醇序 一冊

本幅紙本。摺裝八幅。皆縱三寸八分。橫一尺三寸四分。隸書。

御製御選唐宋文醇序

不朽有三。立言其一。言之無文。行而不遠。若是乎言之文者。乃能立於後世也。文之體不一矣。語文者說亦多矣。羣言淆亂。衷諸聖。當必以周孔之語。

為歸。周公曰言有序。孔子曰辭達而已矣。無序固不可以達。欲達其辭而失其序。則其為言奚能雲。粼波折而與天地之文相似也。然使義則多。多而。言有枝葉。妃青媿白。雕琢曼辭。則所謂八代之衰已。其咎同歸於無序而不達。抑又有進焉。文所以足言。而言固以足志。其志已荒。文將奚附。是以孔子又曰言有物。夫序而達。達而有物。斯固天下之至文也已。昌黎韓愈。生周漢之後。幾五百年。遠紹

古人立言之軌。則其文可謂有序而能達者。然必其言之又能有物。如布帛之可以煖人。菽粟之可以飽人。則李漢所編七百篇中。猶且十未三四。況昌黎而下乎。甚矣文之至者不易得也。明茅坤舉唐宋兩朝中。昌黎柳州廬陵三蘇曾王八大家。薈萃其文。各若干首行世。迄今操觚者。膾炙之本朝儲欣。謂茅坤之選。便於舉業。而弊即在是。乃復增損之。附以李習之。孫可之。為十大家。欲俾讀者興

起於古。毋祇為發策決科之用。意良美已。顧其識之未衷。而見之未當。則所去取。與茅坤亦未始徑庭。朕讀其書。嘉其意。而亦未嘗不懲其失也。夫十家者。謂其非八代駢體云爾。駢句固屬文體之病。然若唐之魏鄭公。陸宣公。其文亦多駢句。而辭達理詣。足為世用。則駢又奚病。日月麗乎天。天之文也。百穀草木麗乎土。地之文也。化工之所為。有定形乎哉。化工形形而不形於形。而謂文可有定形。

乎哉。顧其言之所立者何如耳。勅幾之暇。偶取儲
欣所選十家之文。錄其言之尤雅者若干首。合而
編之。以便觀覽。夫唐宋以來。名儒碩士。有序有物
之嘉言。固不第十人已也。雖然。嘗鼎一臠。亦足以
知道腴之可味。況已斟其雉膏哉。 款 臣阮元敬
書。鈐印二。臣元。

鑒藏寶璽

五璽

寶笈三編

那彥成臨米芾書

一冊

本幅紙本。摺裝八幅。皆縱四寸五分。橫八寸九分。行楷書。西山書院。丹徒私居也。樵人以異石告。凡八十一穴。狀類泗淮山一品石。加秀潤焉。因題為洞天一品石。以麗其八十一數。百夫輦致寶晉齋。後七日。甘露下其石。梧桐柳竹椿杉蕉花蕙草。無不霑也。自五月望至廿六日。作此詩。時猶未已。唐人漿碣六

合慢麻紙書經明透。歲久水濡不入。饒州竹
入墨在連上。又有黃皮紙。天性如染。薄緊可
愛。亦宜背古書。其烏帽黃道服。捉筆而書
者。為東坡先生。仙桃巾紫裘而坐觀者。為王
晉卿。青衣據方几而凝竚者。丹陽蔡天啟。捉
椅而視者。為李端叔。孤松盤轡上。有凌霄纏
絡。紅綠相間。下有大石案。陳設古器。瑤琴。芭
蕉。圍繞坐於石傍。道帽紫衣。右手倚石。左手

執卷而觀書者。為蘇子由。圍巾繭衣。手秉蕉
簞而熟觀者。為黃魯直。幅巾野褐。據橫卷畫
淵明歸去來者。為李伯時。披巾青服。撫肩而
立者。為晁無咎。跪而捉石觀畫者。為張文潛。
道巾素衣。按膝而俯視者。為鄭靖老。後有童
子執靈壽杖而立。二人坐於盤根古檜下。幅
巾青衣。袖手側聽者。為秦少游。琴尾冠紫道
服。摘阮者。為陳碧虛。唐巾深衣。昂首而題石

者為朱元章袖手而仰觀者為王仲至前有
頑童捧古硯而立後有錦石橋竹徑繚繞於
清溪深處水石潺湲風竹相吞爐煙方息草
木自馨款節朱元章書臣那彥成敬臨

二。臣那彥成

鑑藏寶璽

全五璽

寶笈三編

羅福旼清明上河圖 一卷

本幅紙本。縱三寸九分。橫一丈三寸六分。設色畫。清明上河圖縮本。款。臣羅福旼恭繪。鈐印一。福旼。

引首

高宗純皇帝御書。擅能易簡。鈐寶一。乾隆御筆。

卷內分鈐

寶璽。乾隆御覽之寶。乾隆鑑賞。

鑒藏寶璽

全五璽

寶笈及三編